

GOD GEE NIEMAND – jonk of oud - 'N KOUE SKOUER NIE

Gerhard Bothma skryf:

Kinders kry oënskynlik nie so koud soos grootmense nie. Kyk maar hoeveel kinders met kortbroeke en kortmou-hemde rondloop wanneer grootmense dit nie sonder 'n baadjie of iets warmer buitentoe waag nie.

Kinders verstaan ook nie sommer waarom munisipale swembaddens toemaak wanneer dit nog "warm genoeg" is om te kan swem nie. En as jou ma sê dis te koud om roomys te eet, kán jy mos 'n trui aantrek. Vir baie kinders val trui, kouse en skoene in die kategorie van dinge wat jy net dra wanneer jou ma koudkry.

Sodra kinders egter sê dat hulle koud kry, hoor hulle gewoonlik onmiddelik hoedat hulle oupa's en ouma's as kinders myle ver kaalvoet in die koue moes skooltoe stap. "Vandag se kinders" weet mos nie wat koue is nie, hoor hulle al te dikwels. Jy ken ook seker die vraag: "Het jy al só koud gekry dat jy met jou voete in vars beesmis moes gaan staan om nie te verkleum nie?" 'n Vriend van ons het dit net eenkeer gewaag om in reaksie daarop met, "Nee, Oupa, maar dit was al só koud by ons dat ons woorde gevries het en ons dit eers in kookwater moes sit om te ontdooi sodat ons behoorlik kon gesels", te reageer.

Wanneer die ys eers gebreek is, kan selfs mense wat eens vir mekaar vreemdelinge was, brûe oorsteek en mure tussen mense laat vermurwe. **Welwillende woorde kan die koue rondom harte verwarm en laat tuiskom. Teen ware hartlikheid en gasvryheid kan nie eens die hardste en koudste hart bestand bly nie.**

Dís waarom daar in die Bybel so baie oor liefde, gasvryheid, gunsbetoning, vergifnis en ander ingesteldhede, wat warmte tussen mense bevorder, gepraat word. **God gee niemand 'n koue skouer nie.** Omdat hy glo dat die Here nie sal koud staan teenoor sy trane nie, bid die psalmskrywer tot Hom (Ps 39:13). Op die pad tussen Jerusalem en Emmaus, sê die medereisigers, het hulle hart warm geword toe Jesus aan hulle bekend geword het en al geselsende die Skrifte vir hulle oopgebreek het (Luk 24:32).

Mag jy saam met die psalmis uitroep: "U laat gras uitspruit vir die diere, en groen plante vir die mens sodat hy sy kos uit die aarde kan kry: wyn om mense se harte bly te maak, olie om die gesig te versorg, kos om die mens nuwe krag te gee" (Ps 104:14-15). Mag jou hart warm wees en bly wees terwyl die gras en die blare buite vaal word en yskristalletjies vroegoggend buite vorm. En **mag die warmte wat God gee die yskristalletjies wat in jou gevorm het smelt en jou instaat stel om nie weg van ander af te draai nie, maar hulle God se vriendelikheid in jou gesig en glimlag te laat sien en in jou woorde en optrede te beleef.**

Groete

**1 Kor 3:9 - Jou medewerker in diens van God Drie-enig
Leon Tait**



EK VOEL VERWAARLOOS

Het jy dit ook al gehoor hoe mense vertel dat die kerk hul verwaarloos en hulle nie genoeg bedien soos hulle bedien wil word nie. Verskillende persone en ouderdomsgroepe kla: *ons kry nie genoeg aandag nie.*

Natuurlik is dit hartseer dat kerklidmate dit ervaar! Die vraag is natuurlik: Waar lê die probleem? Wat sê die Here hiervan ?

Op Pinksterdag gaan die belofte van Joël in vervulling:

Só sal dit in die laaste dae wees, sê God: Ek sal my Gees uitstort op alle mense: julle seuns en julle dogters sal as profete optree; julle jongmense sal gesigte sien; julle oumense sal drome droom (Handelinge 2:17).

Met die koms van die Heilige Gees het 'n totaal nuwe tydperk aangebreek. Almal, jonk tot oud, is nie maar net passiewe ontvangers van bediening nie, maar aktiewe deelnemers. Volgens die Here is dit 'n groot fout wat die kerk maak om mense te kondisioneer om te dink dat kinders en ouer mense asook sekere lidmate maar net aan die ontvangkant van kerklike aksies moet wees.

Die Heilige Gees het gekom dat *elke kind van God* 'n volwaardige medewerker aan die koninkryk van God kan wees.

Jy is vir God so belangrik dat sy Gees in jou kom woon het om jou 'n mede-bedienaar te maak om sy kerk en koninkryk te help opbou. Jy het die voorreg om vir ander in die naam van Jesus en deur die krag van die Gees tot diens te wees. Niemand is te jonk, te oud of te swak vir die Gees om deur Hom gebruik te word in Sy diens nie. Eerder as om te wag dat ander jou moet bedien, vra liever, Here waar en hoe kan ek vir U en ander tot diens wees, want juis daarvoor het U U Gees aan my kom skenk. Wanneer ek ander se dors les word ek self verkwik! (Spreekte 11:25).

Daarom moet ook kinders, oumense en elke kind van God aan die bediening van die Here se gemeente deel neem. Vir God is ook jou deelname belangrik!

>>>Na bladsy 2

'n Paar praktiese riglyne as jy verwaarloos voel:

- Waar skakel ek in om 'n geestelike en emosionele ondersteuningstelsel te hê? (Onthou: ons omgeegroep is die bedieningsvoertuig waar jy jou kan omring met omgee-boeties en sussies). Om net Sondae of sekere Sondae in die kerk te wees gaan jy hierdie liefdeskring van ondersteuning misloop.
- Waar skakel ek in om te help 'n verskil maak in die gemeente?
- Wie weet dat ek verwaarloos voel?
- Onthou dat die leraars net 'n oproep ver is! Moet asb nie vir hul boodskappe via ander stuur nie, want die inligting kom laat, of skeef of gladnie by ons uit nie. Kontak asb self! Ons is daar vir jou!

Kom ons vra as lidmate en leiers vir die Here groter sensitiwiteit vir hulle wat eensaam en verwaarloos voel.

As die Here op jou hart iemand lê waarvan jy bewus word wat aandag nodig het, gaan dan self en maak kontak met die persoon in die naam van Jesus en in die krag van die Heilige Gees (wat in jou woon net soveel soos in enige ander persoon). Saam in Sy diens!

Ds Leon van Heerden

Die Gemeente wat vir almal omgee!



Ons gee om.



KOM SLUIT AAN BY 'N OMGEEGROEP! Jy sal nie spyt wees nie.

VISIE VAN DIE OMGEEGROEPE-TAAKSPAN:

Om deur omgee-verhoudinge in omgeegroepes mekaar te help om te groei tot praktiese en gehoorsame navolgers van Christus.

Indien jy graag by 'n Omgeegroep wil inskakel of een wil stig, kontak asseblief:

Liezel Nieuwenhuis – Tel. No.: 076 840 5591

!! ONTHOU DATUMS !!

- ◆ **9 Junie:** Gesinne in Harmonie Diens
- ◆ **16 Junie:** Vakansiedag - Jeugdag
- ◆ **21 Junie:** Skole sluit

Sien jou daar!



BOOMSLOPING en snoei van bome & struik. Verskaf ook Kagelhout. Kontak Ernst by 083 656 4992

GRATIS - Verwydering van onherstelbare, onbruikbare, verouderde of herwinbare goedere. Kontak 084 942 7399

ERTWURMS - Kry 100 wurms vir R105. Grootste wurm is 18cm. Kontak Heinrich by 072 159 1843

Indien u enige items of dienste het om gratis aan te bied, kan u dit **GRATIS** in hierdie blaadjie adverteer!

Kontak Ilze 072 111 3100, email - ilzedples@gmail.com

Kombadja-projek - "Rys vir arm oumense"

Skenkings word asseblief gevra vir rysvoorsiening vir arm oumense wat amper doodgaan van honger.

Eenmalige of maandelikse bydra kan gemaak word aan:

Bamboo shoot: A Glas /ABSA, Spaar rek no. 038187730900

Verwysing: Voedingskema

PENSIOENARISSE - Kon bederf jouself!

Manikuur (hande) R60

Pedikuur (voete) R70

Eyeblow waxing R25

Eyeblow tint R25

Volstel naels (tips) R130


**Kontak Rinaldi @ 012-333-4114
of 084- 593-1191**

174 Cragg str. Queenswood x 2 (naby Wikkie's pompe)



Kort boodskap vir al ons Pappa's

Weet jy dan nie? Het jy nog nie gehoor nie? Die Here is die ewige God, Skepper van die hele aarde. Hy word nie moeg nie, Hy raak nie afgemat nie en sy insig is ondeurgrondelik. Hy gee die vermoeides krag, Hy versterk die wat nie meer kan nie.
- Jesaja 40:28 en 29



Laat God u weer verfris met nuwe krag.
Gelukkige Vadersdag

c'nani ru

eiendomme

ons bied 'n verskeidenheid van dienste:

- Gratis waardasies
- Bemerk om te verkoop
- Kwalifisering van nuwe kopers
- Lening aansoeke
- Advies om eiendom se waarde te verhoog
- Boedelwaardasies



Naómi

082-804-1200 012-331-0015

Lewe met Ritme.



Lewe met Ritme is 'n insiggewende Bybelstudie program wat gevolg kan word op die internet. Die webtuiste is www.lewemetritme.co.za. Dit word aangebied deur Die Woord (dieWoord.tv) wat elke Sondag op KykNet uitgesaai word.



Daar is video's wat u kan kyk en individuele en groepbesprekings blaadjies wat afgelaai kan word. U kan ook aan die forum deelneem waar u, u geestelik groei met ander Christene kan deel.

~ DIE DOOD ~ Wat 'n wonderlike manier om dit te beskryf....

'n Baie siek man vra sy dokter eendag, "Dokter, ek is bang vir die dood. Vertel my tog wat is aan die ander kant?"

Die dokter bly vir 'n oomblik stil en sê toe, "Ek weet nie."

Ontnugterd sê die man, "Jy weet nie! Maar jy is dan 'n Christen. Hoe kan jy dan nie weet wat aan die ander kant is nie?"

Op daardie oomblik hoor hulle 'n gekrap en 'n gekerm aan die anderkant van die deur. Die dokter maak die deur oop en sy hond spring met groot blydschap en gretigheid die kamer binne.

Die dokter draai na sy patient en sê, "Het jy my hond gesien? Hy was nog nooit binne die kamer nie. Hy het nie geweet watse gevare dalk hier binne kan wees nie. Al wat hy geweet het is dat sy meester hier binne is en toe die deur oopgaan, het hy ingespring sonder enige vrees. Ek weet min van wat aan die ander kant van die dood is, maar ek weet een ding...

Ek weet my Meester is daar en dit is vir my genoeg!



**Sondag 21 Julie (DV) skop ons 40 dae af.
Meer as 60 kerke landwyd gaan saam die veldtog doen.**

**Binnekort meer inligting!
Hou die afkondigings dop.**

DIE FINALE VERLOSSING

*.... die tyd van ons finale verlossing is nou nader to toe ons tot die geloof gekom het. Die nag is verby; dit is amper dag.
Romeine 13:11-12*

Elke keer as ek die dag sien breek,
as die son sy kop deur die wolke steek,
Weet ek opnuut my God bestaan
en Hy stuur die aarde op sy wentelbaan.

Groet die Here as jy wakker word,
en sê vir Hom nag as jy gaan slaap.

Helen Steiner Rice



MOOT CHRISTIAN ACADEMY

- Are you serious about your child's education?
- Do you want to give your child the best education possible?
- Did you know that in the early days children read the Bible to learn?

At MOOT CHRISTIAN ACADEMY:

- We are putting the joy of God back into education
- We are an affordable Private School for Gr 0 to Gr 12
- We are passionate about our students.
- 90% of our staff and students are Afrikaans speaking.



*We serve the Community of God
Contact us for an interview*

012-331-8274

admin@mootchristianacademy.co.za

On the premises of NG Rietfontein-Suid, C/o Ben Swart str. and 16th Avenue

